



# Sis schefs da stadi èn ids ad aut

## Segl/Gügli: inscunter da sis schefs da stadi

DA GION NUTEGN STGIER / ANR

■ **Mesemna ed ier è cusseglier federal e president da la confederaziun, Alain Berset, s'inscuntrà cun tschintg ulteriurs schefs da stadi. La raschun è che quest onn è la Svizra ospitanta da quella reuniun annuala. Avant in onn aveva cusseglier federal Alain Berset avert uffizialmain la tur da teater sisum il Pass dal Gügla. El è stà uschè intgantà da quel bajetg e da las producziuns da l'Origen Festival Cultural e ditg ch'el turnia segir anc ina giada. In pau dapli che 12 mais pli tard è quai propi reali-**

tad. Ils davos dus dis è il president da la confederaziun s'entupà a Segl en l'hotel Waldhaus cun tschintg ulteriurs schefs da stadi. A l'ur da quella reuniun è er ina visita da la tur cotschna stada sin il program, cun ina part culturala cun chant e saut ed in giantar en cuminanza. Avant han ils schefs da stadi da l'Austria, la Belgia, la Germania, il Luxemburg, il Principadi da Liechtenstein e la Svizra sco ospitanta discurrì da las relaziuns da la politica interna e da l'exteriur da quels sis pajais, nua ch'i vegn discurrì tudestg. En il center da la discussiun è er sta-

da l'associada da cultura, la societad da quella ed il potenzial cultural. L'aspect social da la cultura saja da gronda impurtanza per nossa societad. Pli vasta che nosa societad daventa e dapli che mintgin dovra la cultura. Mintgin duai avair access tar la cultura. Diversitad culturala sajan er linguatgs e perquai haja el sapientivamain tschernì il Girschun per quel inscunter. Quel chantun saja in bun exempel per la trilinguitad e tar quella tutgia en spezial il rumanatsch, ha ditg Berset.



Ils schefs da stadi èn s'entupads en l'Engiadin'Ota e sisum il Pass dal Gügla: Frank-Walter Steinmeier, president da la Germania, retg Philippe da la Belgia, gronduca Henri dal Luxemburg, Alain Berset, president da la Svizra, preni ereditar Alois dal Principadi da Liechtenstein ed Alexander van der Bellen, il president da l'Austria.

FOTO G. N. STGIER